

四庫全書

集部

欽定四庫全書

集部  
文端集卷十六

詳校官庶吉士<sub>臣</sub>汪彥博

助教<sub>臣</sub>常循覆勘

總校官降調編修<sub>臣</sub>倉聖脉

校對官中書<sub>臣</sub>葉蘭

謄錄監生<sub>臣</sub>蔡漸磐

欽定四庫全書

文端集卷十六

大學士張英撰

存誠堂詩集十二

近體詩一百十七首

己酉臘月二十五日葬先慈高嶺山元日展墓作  
鶴馭何年返碧城紫泥空輟舊銘旌梅花曲路迎車蓋  
風雪寒山走弟兄遶墓松陰將萬樹傍墳茅屋只三楹

自慙南北天涯子淚濕重泉此際情

芳園二首

芳園春半杏花時暖日輕雲澹池姿何處青山當戶影  
誰家紅樹出牆枝柳絲晴漾千重碧鳥語新翻百種奇  
似此清光幸同賞那能花下不成詩

客從高處倚庭柯南陌纔青是淺莎千里故人新燕到  
一年春色杏花多黃鶯飛過銜紅雨粉蝶雙穿入絳羅  
寄語東皇好珍重常留此景伴清歌

片野堂詩爲司馬孫餘菴先生賦次四松原韻四

首

數武城西路春山便覺多綠陰黃鳥樹芳草白羊坡華  
髮閒閒客籃輿日日過東山謝絲竹高隱在煙蘿

青門耆舊在瓜圃見東陵問柳思眠起看花感廢興園  
丁留客饌公子讀書鐙似此真幽賞勞人夢未曾

園林多野色駘宕是春風竹亞新書閣花明古佛宮平  
橋穿密箐曲徑入芳叢無數桃花好臨流覺更紅

繩牀連石几，息靜似空山。  
樂圃行常徧，花田種未閒。  
聽鶯時倚徙，將鶴共躋攀。  
應畏遊人跡，頻年閉竹關。

泊青谿

江上月初生，臨風畫舸行。  
朱欄秋水濶，白苧晚涼輕。  
簫鼓中流發，鐙光兩岸明。  
舊遊如可憶，沙路向孤城。

泊荻港

十日扁舟上，家山滯望中。  
爲憐鄉國路，不恨石尤風。  
鷗泛秋江白，霞燒晚樹紅。  
從茲姜被意，竟夕與誰同。

江上

客子揚帆京洛遊，分攜正值芰荷秋。  
千岩石色天門屋，萬樹松聲采石樓。  
碧水自環青雀舫，朱欄常近白鷗洲。  
謝家況有臨風句，良夜扣舷歌未休。

長干

一夕汀洲鴻鴈飛，白門楊柳漸霏微。  
江聲自抱三山碧，雲物何知六代非。  
桃葉渡頭歌吹歇，雨花臺畔酒帘稀。  
輕帆不解高吟意，流過空江燕子磯。

邦江

邦江秋櫂倚蒹葭卻憶蕪城是帝家碧水至今思錦纜  
玉簫終古怨瓊花廣陵秋色看潮汐小杜詩篇滿狹斜  
一自背城勞使相廿年無復舊繁華

黃河

激箭黃流夜半過雷轟電擊欲如何千山驟雨齊飛瀑  
萬馬嘶風競渡河舊路幾年迷斷岸客心終夕繫危波  
吟成莫向船窗讀恐有魚龍聽浩歌



傷劉苔水

一紙書來萬斛愁  
西園詞客失應劉  
瓊花去後原無種  
玉樹凋時不待秋  
作賦竟同昌谷恨  
遺書誰向茂陵求  
最憐無限人琴慟  
總帳惟聞哭白頭

嗜退菴詩

爲嚴存菴尊  
甫先生作

獨愛忘機學漢陰  
問名先識隱淪心  
高人居亦稱愚谷  
閒客詩偏號醉吟  
雪影鴻飛滄海曲  
秋空鶴唳碧山岑  
家風況與桐廬近  
莫道羊裘變古今

寄座師給諫在平王公二首

頻年獻納禁庭陰暫爾投閒憩茂林  
詞藻琅琅兼衆妙  
丰稜嶽嶽本千尋遙知風雨東山夢  
時抱冰霜左掖心  
自是敷天思補牘康成翹首望尤深

畫省歸來已隔年家居勝事儘流傳  
久知逸興寰中少  
聞道幽居郭外偏坐擁圖書開小徑  
手栽花竹滿平泉  
在山舊有登臨蹟盡入先生杖履前

集曹頌嘉同年獨笑亭

車馬長安道何曾識醉鄉琴書畱客看風雪笑人忙痛  
飲宜殘臘新歡發舊狂弟兄良讌會次第入春陽

寒夜示內姪堯元四首

時將之雄  
山省覲

醉中無意語偏覺爾能真潦倒常深夜辛勤說兩親每  
當風雪候難作去畱人好自垂鞭影官齋柏酒新

相對那堪別其如臘盡催銜將京洛酒話到故山梅寒  
夜鄉關迴天涯骨肉陪旅居未蕭瑟錦字爾能裁

雪晴寒更厲永夜北風高自笑閑官冷深慚病婦勞愁

拌今夕醉詩減舊時豪顧影搔青髻將無有二毛

兄弟頻年別殊慙骨肉恩家貧官更拙田瘠稅猶存邨  
市湖連屋荒園竹覆門因君離索感發我醉中言

羹湖自雄縣以果蔬雉兔見遺答之

荒齋將臘盡南陌正春初驛使來風雪深情託果蔬烹  
鮮分雉兔厨解損豚魚怪殺諸雛喜爭看阿舅書

雙鬟曲十首

爲念齋作

銀燭生花照綺窗傳來消息自吳江好將合浦珠千顆

換得崑山玉一雙

秋風吹到畫船遲  
千里寒江入夢思  
日日金錢勞暗卜  
河干猶是未冰時

澹著胭脂淺著黃  
吳儂別自有新妝  
櫻桃楊柳應如許  
不耐人誇白侍郎

繡幕香衾宿粉凝  
名花浥露可能勝  
怪來學士趨朝晚  
日過花磚第幾層

花間燕燕復鶯鶯  
繡閣珠簾結隊行  
翻笑仙人無伴侶

只教名喚董雙成

宮衣覆著麝蘭香  
蓮燭雙擎夜轉長  
暗語仙郎添半臂  
黃金鴛瓦滿新霜

翠袖雙雙拂畫欄  
教他鸚鵡喚名難  
憑君次第探花信  
若箇誰分蕙與蘭

視草歸來日半斜  
水沉香裏問兒家  
憑他溫室中庭樹  
不敵瓊枝姊妹花

君是蓬山第一流  
退朝行入燕鶯儔  
海中仙果應連理

枝上名花已並頭

京洛寒威透碧紗  
殷勤好自護蘭芽  
知君欲覓宜男草  
不是偏憐解語花

辛亥元旦蚤

朝恭賦三十韻

午夜和風轉朝來滿

帝畿晴霞籠絳闕  
曙日動青旂  
氣始開璇厓  
春先到

御衣上公環紫極  
多士集彤闈  
衆志期呼祝

皇心重報祈風鳴千騎擁雲動六龍飛齋肅

宸顏穆馨香

帝鑑微百靈紛共饗五祀順無違

首舉祀事  
方受朝賀

法駕中宵度

鑾輿昧爽歸鵷行雲結隊仙仗錦成圍方色車前蓋中  
黃輦上幃綴衣紛綵繡擊鼓引朱緋歌吹天門落旌旗  
御路輝未央宮鑰動長樂禁煙霏離極方懸照坤寧正  
啟扉一心勞寢膳兩代頌音徽獻壽華樽滿當陽湛露



晞羣方歸

帝瑞

時舉  
觀典

絕域覲

天威

高麗使臣  
方在朝班

虎拜千聲合龍光萬姓依柏梁新煥采

松牖舊崔嵬日暖爐煙直風輕旆影稀宮雲垂黻黻苑

柳報芳非殿上岐同諱城南杜與韋舞看諸部集樂聽

五絃揮宴錫丹墀渥香分紫袖緋汝陽堪取醉曼倩莫

愁飢玉椀葡萄綠銀盤雉兔肥醪偏傾琥珀吟獨媿珠

璣嘉會賡黃竹隆恩拜紫微臣心如草樹歌舞向春暉

讀蛟門舍人禁庭鐙夕詩有作即次同年曹升六

韻二首

月迎金掌露華明  
九陌無塵夜轉清  
仙蹕到時鐙作仗  
宮緋環處錦爲城  
看殘玉藥三千樹  
聽徹霓裳第一聲  
何異泛槎銀海曲  
好持機石問君平

魚鑰宵沉宮漏明  
舍人傑直近西清  
絳霄花漏宜春苑  
碧海珠懸不夜城  
鸞掖自成良讌曲  
鳳池難繼和歌聲  
侍郎兄弟多才藻  
五色蠻箋咏太平

侍郎謂澹  
餘少宰

長安鎧市詩六首

金勒青絲往復還  
元都觀裏扣雙環  
春歸玉宇星辰上  
人在霓裳月露間  
紅粉千叢西子面  
輕綃百幅米家山  
青油也向繁華隊  
休沐來來此日間

萬點紅鎧照上都  
移來兩浙與三吳  
暖風不向梅花度  
春色先從錦幄鋪  
映日青霞懸翡翠  
照人明月結珍珠  
誰家堪出千緡買  
空滿城南古寺隅

天街風日起晴沙  
紫陌追隨白鼻騮  
梅萼蚤紅宜暖室

海棠催放護輕紗名箋錦匣誇前代古帖瑤函出內家  
獨讓秦淮鐙市好千門開徧水仙花

月色如銀夜最良春風遙度綺羅香鐘聲九陌連長樂  
鐙火千門徹未央海市亭臺皆蜃氣仙人樓閣總珠光  
愛看琪樹瓊葩裏中有昇平字一行

五侯門外滿香塵煙火樓前巧作春忽見六鼇移地軸  
近看三島接天津臨風菡萏千花麗帶露葡萄萬顆勻  
但願君心常似此光明燭徧普天人

魚鑰終宵禁闥開侯家行樂比蓬萊藥珠夜看當筵落  
瓊樹新移繞砌栽皎月獨臨金掌出紅燈雙引壁人來  
還將一曲春光好勸進玻璃七寶杯

元宵後一日同唐偕藻孔霽菴耿又樸謝方山集

董默菴寓齋

同君三載問尊鱸

默菴亦同請假歸

重話長安舊酒壚秘閣儒

臣皆魯國

孔耿謝董皆山左

漢庭經術重江都紅燈漫使春華

歇壁月何曾昨夜殊為惜輾香塵不寐馬蹄踡徧

帝城隅

贈同年馬于蕃

金臺石鼓且重尋，莫碎長安市上琴。  
鵬鶚已搏秋露起，珊瑚猶滯海雲深。  
家庭至性傳華萼，奕世清貧少摘林。  
獻策漫因家客薦，蒼蒼于爾豈無心。

寄王煙客先生二首

五湖三泖足鱸尊，筇杖吳舸賦隱淪。  
舊典曲臺曾珥筆，老投幽壑自垂綸。  
青門路接烏衣巷，白社花迎皂帽人。

海內只今耆舊少東臯獨許伴松筠

雅聞詞藻壑三吳洛社香山勝此無鄴架千編皆錦字

輞川片紙亦驪珠

先生書畫皆工

絲綸世濟傳鸞掖花萼聯輝

引鳳雛獨有採芝人自遠圖成五嶽著潛夫

出郭從玉泉山歷碧雲山晚宿承恩寺得詩六

首

山色新從出郭逢

帝京西畔碧千重芙蓉黛色盤高掌金碧晴光變衆峰

遠自鴈門趨朔漠近成天塹控居庸夏雲安得奇如此  
馬首曾經望岱宗

清時休沐鳳城邊枕簟移來近紫泉雲影乍開新雨過  
荷香初動蚤涼偏坐圍衆壑千峰麗閒對清池一鏡圓  
寄語軟紅塵裏客佳山原在馬蹄前

曲曲幽栖探不窮蕭涼六月已秋風松杉自繞香林路  
唐宋猶存古佛宮盤磴逶迤清靄外荒臺掩映翠微中  
泠泠最是龍湫水瀉入華林御苑東



松雲深護藏經樓華表何人最上頭原廟祇今無舊蹟  
茂陵終古亦荒丘金貂空使豐碑壯石馬何知碧草愁

永巷當年無限事憑誰一問大長秋

碧雲寺後爲  
諸宦官墓

馬鬣封題自勒名何關紫闥與蒼生累朝惟有中涓貴  
勅使徒傷國體輕鈎黨至今留歎息內家從此失昇平  
一丘白骨還依佛常聽寒鐘午夜聲

西來山色此偏幽況是深林鳥倦投坐近松根常墜露  
夢回禪榻蚤驚秋詩堪適意何辭拙佛本無言不待躊

金匱要略卷十六  
茉莉晚香初放處碧天無際白雲流

和李高陽閣師

經筵

賜宴詩韻四首

儒臣東觀振華裾雉尾雲開講幄初洙泗微言傳大學

唐虞心法在尚書

時講大學尚書各一章

禮行鼎盛春秋日時值

慈寧寢膳餘上相獨陳丹宸訓

溫綸時見

聖顏舒

高敞金華五色裾崑崙陽馭照臨初  
邇英閣啓延都講  
崇政筵開爲說書鉅典由來行二仲  
萬幾亦自有三餘  
好將一德調元化繁露何須擬仲舒

止輦無勞更引裾衢尊正是拜恩初  
榮沾東壁師臣重  
光勳文昌太史書宮饌自隨天仗列  
香煙猶遶珮聲餘  
羣公咸飫金莖露太乙波深化日舒

螭陛鸞坡集綵裾上公趨進講筵初  
致身自許伊周績

憂國時陳水旱書望比華衡真不媿才搜海嶽更無餘  
於今揆席推文靖天際卿雲正卷舒

題畫二首

綠覆書牀梧葉新山風欲動水生鱗世間自有羲皇夢  
讓與茅亭畫裏人

百疊青山樹幾叢小亭橫截亂流中微涼不是搖團扇  
新漲來時自晚風

題趙閬仙僧服圖二首

白袷蕭然自拂塵，冰霜爲骨玉爲神。  
如何秋水長林下，忽見鵷鷺隊裏人。

摩詰晚年居士服，樂天先世海山人。  
君今方作巖廊客，此是前身與後身。

贈東海董樵四首

東海留奇士，吟詩慕古狂。  
沈憂傷老眼，埋恨客他鄉。  
一任柴桑酒，頻沾薜荔裳。  
知君無限思，落月照橫塘。

轍跡江南徧，騷壇舊有聲。  
友朋爲骨肉，山水足平生。  
禹

穴乘潮看吳門，躡月行廿年。投老後渤海，學躬耕。

寶樹驚先折，猗蘭復繼萎。遂成兒女節，不顧老夫悲。落

盡鮫人淚，吟殘幼婦詞。篋中書一卷，冰雪不堪持。

樵翁郎君

蚤世子婦殉節有節孝傳

白髮蕭蕭客燕臺，老更過春風。吹冀野落日，照滹沱求駿空遺跡。騎驢任放歌，知君懷古意。石鼓字堪摩。

李侍郎園

即墨黃公寓居

京洛風塵地，園林此最幽。板橋穿密篠，曲水抱危樓。爲

駐扶風席常陪夜月遊西山朝暮見煙靄雨初收

贈螺浮黃門次龔合肥韻二首

十年霜雪老黃門抗疏羣知國體尊  
獄鹿推來非有意山龍補處自無痕  
謾言盤錯昭臣節偏向風塵識

主恩親見問閭凋敝甚鄭圖還與繪千邛

十年霜雪老黃門湖海歸來道氣尊  
綠筆重論當代事

青蒲復認舊時痕  
長沙原有孤臣跡  
湘水難邀漢主恩

爭似

九重思讜議忽傳丹詔起南邨

螺浮於輔臣當國時曾抗疏請親政遂外遷長

沙今復入  
爲給諫

姚龍懷先生自黃門擢副憲賦贈二首

南憲新恩屬鉅公廿年頭白諫垣中  
蒼生潤澤同湖海丹陛勲名仰華嵩  
獨坐蘭臺羅繡豸特膺石室領花驄  
殊遷自是興朝事難得惟聲遠近同

黃扉啟沃冠羣倫前後封章欲等身

聖主寬仁永讜論老成忠愛被



溫綸事關國體真能諫誠動

天顏若有神最喜絳騶清路日手攜甘雨柏臺春

時方久旱

除書下

日霖雨

和四松先生見懷詩四首

四松老後更婆婆不顧蕭蕭白髮多此日詩猶傳上谷

當年官亦近滹沱千絲繡作玲瓏字百琲珠成宛轉歌

聖主好文多鶚薦歎君獨未對鑾坡

先生官河間司李漢中司馬有塞北

吟

亭畔全疎長者車南園遊讌近何如穠華拂檻春風後  
新筍畱人曉露餘黃鳥陰中堪載酒白鷗隊裏好裁書

吾家康樂同吟處水滿橫塘花滿廬

謂勺園

嶽夢歸來髮半絲十年鸞鶴戲清池青青河畔吟芳草  
灼灼山中採紫芝高會不殊彭澤酒元音堪續少陵詩  
九秋一日誰能遣落月臨風重所思

吳舸一自別江城枕上黃河午夜聲人影星霜趨絳闕  
馬蹄朝暮蹋春明長安兒女消閒晝故國鶯花繫遠情

獨有鏡湖上客鴈鴻聲裏寄芳蘅

時四松方有  
山陰之遊

### 贈石林二首

仙郎清望壓詞曹  
白袷高談逸氣豪  
壯志總歸京洛酒  
新詩猶帶廣陵濤  
城邊禁柳縈金勒  
殿閣春雲拂綵毫  
環視吾儕君最少  
十年期爾擁旌旄

大隱何人綺季儔  
青門耆舊老滄洲  
鳳雛自宿雲中樹  
鶴髮閒梳水上樓  
春草易添鄉國夢  
風塵且共

帝京游好將珥筆承親志  
冀北江南莫謾愁

水上樓尊  
甫讀書處

七月十五夜二首

去年瓜步路前歲段橋東  
佛號千聲合河鐙萬點紅  
帝京風露蚤民俗鬼神同  
無限松楸感頻年嘆轉蓬  
微雨夜來過香車出內城  
荒阡陳麥飯古寺徧鐘聲  
戰骨秋原塚啼痕少婦情  
白楊衰草祭易令客愁生

新秋由高梁橋歷西山諸刹宿碧雲寺八首

夙約徧微雨衝泥出郭行  
蹄痕山路淺野水石橋平  
幾處邨園寺千株柳抱城  
垂鞭未忝外今日聽秋聲

似向江南路菰蒲野市連  
亂流侵古道小雨愛秋田  
雲白山腰寺風鳴樹杪泉  
最宜人跡少石徑綠陰偏

金谷遺園在居人識故侯  
雨淋將斷壁水照半頽樓  
柳色圍黃犢荷香付白鷗  
可憐搖落處閒卻一年秋

諸天華藏裏古佛繡幢中  
金碧窮民力神靈役鬼工  
入雲看石碣盡日聽松風  
不信香林外猶傳旉率宮

幽敞香山路高亭占翠微  
野如秋水淨山似亂雲飛  
遠色堪憑檻空青欲上衣  
卻思奇絕處月滿雪初霏

無數前朝寺林阜逖處逢閉門深護蘚高閣俯看松綺  
綴喧巢雀旖幢隱繡龍殿臺宮瓦色煙際碧芙蓉

蒼松千百樹一樹一徘徊常護香臺老曾迎翠輦來高  
枝藏鳥鼠薄暮走風雷未受秦封後猶能避劫灰

佛閣懸鐙處清吟擁薄衾來從微雨後卧向白雲深石  
榻山中夢晨鐘世外心京華有閒客兩宿此香林

送房師即墨黃公之任鹽山四首

叔度膠東蚤著聲不其書帶擁康成人同海濶千尋嶽

官領淮南十八城常沛春溫回棘草又從秋雨採芳蘅

欣同諸子陪清歡庾亮樓前月最明

黃公以鳳陽司李持衡南園

海濱東畔有幽居門對扶桑日照初聽履家聲傳棨戟  
連鑣名士盛簪裾詎知鈎黨因文字不道窮奇在里閭  
貝錦雪消恩愈渥紫宸前日下除書

春明門外迓鳴騶水漲園林又蚤秋深夜月明留畫閣  
滿城山色在高樓雲亭數過探奇字河朔頻來續勝遊

安道牆東還不遠葦邊閒卻剡谿舟

時同戴還素寓居梁家園

畿東赤縣簡平津又見銅章墨綬新  
千里家山堪奉母  
頻年宦蹟總親民  
官貧惟酌廉泉水地瘠勞吹黍谷春  
三輔蒼生根本計  
佇看黃霸沐恩綸

雨中同友人坐梁家園

盡日征塵逐轉蓬  
此來閒坐幾人同  
荒園對酒新秋後  
高閣添衣暮雨中  
蘆荻縱橫臨淺水  
青萍開合受斜風  
憑君醉話滄洲興  
相望勞山渤海東

九日後買菊數種漫成二首



小閣數叢菊花時損俸錢故園離落下秋色又經年詩  
思勞相促風塵好共憐幾枝燈下影多在素琴邊  
花事久寥濶秋光慰所思參差當夕照髣髴似東籬隱  
覺金門遠香偏紙閣宜故人如乍見繞榻夜吟詩

初冬同沈康臣曹升六夏隣湘喬石林坐黑龍潭

晚過城南小園二首

且向車塵外提壺挈伴行閒人潭上影落葉樹邊聲野  
水南邨晚高窗小閣晴淹留還竟日清話各平生

誰問荒園路城闌歌吹西槐鋪雙樹暗松偃片雲低歲  
月吾儕惜柴籬野客迷莫教騎馬去茅舍未雞栖

王子玠招同年諸子讌集園林因懷座師司馬公

率賦二首

殿上星辰聽履聲興朝文正重知名農田大計籌三壤  
帷幄訐謨息五兵  
裴令功成閒綠野謝公身隱繫蒼生  
江南猶有尊鱸美消息今傳在冶城

蕭然紙閣掩雙扉幾箇賓當夕照稀坐擁

賜書猶絳帳亭通曲巷本烏衣晚涼著樹青如洗疎雨  
宜人暑漸微我媿鯉庭門下士常同花萼共相輝

贈王敬哉先生二首

北平山色擁神京海嶽精英此篤生當代師儒推祭酒  
舉朝耆德重春卿世居秘閣分藜火聯步台司聽履聲  
自是清時榮國老不須緹嶺更吹笙

平泉還與輞川同羣向金門識鉅公小構園林容大隱  
偶成書畫亦元功青山歎做諸卿上白髮蕭疎萬卷中

一代勲名兼著作河汾常此振宗風

姚龍懷先生自副憲晉少司寇賦贈二首

清時重望屬姚元上殿頻傾白獸尊經國疏陳皆密勿  
明刑寄重賴平反

朝廷有道昭臣直天下無冤荷

聖恩常伯同時三定國北臺秋憲總春溫

時同在司寇者真定梁公

山東高念東先生

恩波無際海天寬兩度除書出禁闌方直真堪爲憲長

慈明端不負刑官析楊愛見生塵網庭樹欣看集鳳鸞  
努力太平期不朽似君知遇古今難

同館友人花燭詩四首

杏園春暖立羣仙三十人中最少年香閣乍看紅燭引  
宮衣新見綵絲牽雪中鶴氅尤堪賞道上羊車著意妍  
坐對玉人無辨處全憑雲鬢與花鈿

非關人賦定情遲綵翾聯飛到赤墀濃蘸玉堂花下筆  
雙描金屋鏡中眉荔枝含露初嘗日茉莉臨風欲採時

咫尺銀河天上水御溝流入鳳凰池

南國名花碧玉蘭畫船移向五雲端朝衣親繡雙雙鳥  
妝鏡頻闌對對鸞春信恰當長至近香溫未覺北來寒

可曾攜得桐花鳳倒挂簾櫳倚醉看

閩有桐花鳳一名倒挂鳥

深閨未御七香車先署芳名在五花仙樂譜來調引鳳  
宮妝說與教盤鴉莫衝曉露晨趨直須避輕寒蚤放衙  
花燭從來多錦字幾人能向玉堂誇

贈故鄉隱者

蚤年橐筆舊知名野鶴翛然遠世情扶杖謾尋驅犢路  
種花常聽讀書聲吟當秋露餐黃菊臥看朝霞起赤城  
遙憶家山隱君子忘機久與白鷗盟

蛟門納姬爲賦香奩詩八首

紙閣秋深翠幔重暖香紅玉琢芙蓉湘雲迢遞三千里

來自西陵南北峰

姬本山人

曾向曹娥江上行曹山如畫水痕清西施不盡江山秀  
香水谿頭春又生

於越明珠照上都等閒佳麗屬兒夫眉痕曲曲描秦望  
波影盈盈翦鑑湖

客窗新見繡簾遮良夜迎來七寶車百尺梧桐猶憶否

風流應不數瓊花

百尺梧桐  
蛟門閣名

狂客無端近繡帷京華兄弟最相知錢塘兒女嬌癡慣  
背著紅鐙小立時

夜闌客醉語尤顛被酒還來玉鏡前簾內雙鬟遮道語  
帳中人已卸花鈿



定情初賦入承明  
夫壻連朝直禁城  
落筆綸扉開御帙  
蘭香今日滿西清

錦字千行酒一卮  
舍人吾輩最能詩  
水晶簾下閒時節  
無數香奩絕妙詞

爲梁承篤題柳邛漁樂圖四首

誰寫湖天柳萬絲  
攜從京洛倩題詩  
無端惹起江南思  
正是魚肥蟹熟時

春水舟輕泛白蘋  
自傾新釀自投綸  
可知鱸膾蓴絲味

不到人間肉食人

多是春風醉不醒  
全家都住白鷗汀  
妬他畫近漁舟處  
柳色山光著意青

有客幽居與世遺  
愛看波淨放船時  
知君抱膝蓬窗下  
吟到魚兒細雨詩

文端集卷十六

欽定四庫全書

文端集卷十七

大學士張英撰

存誠堂詩集十三

近體詩八十首

康臣索觀予詩集枉示詩和之二首

眼常愁夜暗硯未解春寒舊帙憑鴉抹蕪吟任蠹餐芳  
洲勞采杜幽谷忽生蘭手把瓊瑤句低徊欲和難

君本山陰客高吟領衆峰  
蕩舟曾一往積翠幾千重  
懷古慙佳句開編想故踪  
何時寒雪後同話禹陵松

予曾有山

陰懷  
古詩

二月看花王子玠齋中

滿城風雪度花朝  
誰見青陽著柳條  
小閣交枝圍密簾  
海棠接葉暈紅潮  
頓忘冀北寒威厲  
未覺江南春色遙  
賴有東臯多逸興  
芳時樽酒日相招

寒食遊西山二首

宦遊俱是客紫陌各留連斷碣斜陽路荒陵寒食天鶯  
花同故國丘隴隔經年麥飯誰家子春風墓草前

青林紅壁遠隱見若殘霞底事中消墓偏依老衲家輕  
煙栖冶樹春草媚晴沙翻覺馬蹄疾垂鞭過杏花

送吳五崖視榷臨清

絳節新頒領度支含香舊典白雲司地連瓠子清漳遶  
人與桃花春水期畫閣臨流堪縱目高樓望獄足銜卮  
隱之風昔清名著艫舳南來盡口碑

寄梅淵公

標格真同梅子真廿年相憶隔江濱  
文章風氣開吾黨書畫源流見古人  
謝李芳蹤知不遠陵陽佳地恰爲隣  
鹿車并挽銅官路潭水桃花歲歲春

送梁子培之任錢塘令二首

門巷烏衣世澤長清時作牧向錢塘  
才人勝地兼相得吏事詩情兩不妨  
湖外青山披案牘花間白舫課農桑  
柳邨全似西陵路佳處新添宓子堂

予培有柳邨漁樂圖

還向江淮續舊遊  
綵絲雙引使君舟  
人來吳越三千里  
官領東南第一州  
謝客亭邊楊柳暗  
蘇公隄畔芰荷秋  
祇今水色山光裏  
竹馬爭迎郭細侯

答四松先生寄懷詩即次來韻二首

紙閣秋陰日影遲  
琳琅四壁寄予詩  
不嫌小草勞相憶  
幸有芳蘭慰所思  
青幕車中春雨路  
黃金瓦上曉霜時  
難將煙火人間語  
疇和柴桑絕妙詞

芒屨青山雪滿顛  
高吟落落度餘年  
平生酷嗜惟之子

百卷新詩定許傳  
松菊遠尋鷗鷺外  
瓊瑤常寄鴈鴻先  
桃花潭水情無限  
作賦思鄉媿仲宣

三兄勺園新閣成于辛亥秋四松輩皆有詩落之  
經年未得屬和時近九日感念故園因次原韻  
四首

高處定同登  
闌干北望凭  
池添新閣影  
魚戲讀書鐙  
古堞雲千點  
秋山翠幾層  
天涯人未識  
欲夢更何能

竹中新構屋客過喜淹留  
荷簪涼初動  
山晴雨欲收  
雪



飛偏繞樹月滿正當樓此際方千輩狂吟最上頭

方塘秋漲濶逸興似滄溟室有仙靈氣雲依樹杪亭岸  
蓉臨水白園橘避霜青當我成詩日黃花正滿庭

遠寄登臨句經年索苦吟祇添鄉思急難遣客愁侵竹  
報平安字花知搖落心江南同冀北相憶定誰深

送五兄下第南歸

征鴻分影兩經年又聽驪歌唱日邊入洛已過強仕日  
還家空賦四愁篇黃河馬渡霜初落古驛人歸菊正妍

目擊京華顛顚客耕耘莫厭傍湖田

送鄧田功下第歸里

東籬花發送將歸落拓頻年又拂衣詞賦漫因東閣重

松筠未覺北山非

家有北山草堂

風高冀野驂騑去霜渡滹沱

木葉稀不達如君勿長嘆素心知不羨輕肥

重九即事寄懷四松先生二首

霜後庭柯葉影疎菊花圍坐閉門居頓教旅舍成離落  
未覺秋光讓敝廬紙閣上燈枝入畫布簾懸地客攤書

頻年風雨重陽慣新月驚看照綺疏

有客投閑寄薜蘿黃花白髮共婆娑陶潛去後無知己  
司馬歸來任放歌竹掩小亭應悵望荷殘別墅幾經過  
佳時故國三千里木落空添易水波

四松曾任  
上谷司馬

送宋牧仲歸大梁次徐方虎韻四首

昨夜桑乾秋水生將歸宋玉獨含情渭城先唱徐陵句  
楓葉黃花遠送行

漳河秋色鴈鴻天銅雀臺荒客路偏桑落酒香初下馬

貂褕珍重晚風前

班馬蕭蕭嘶北風不須回首暮煙中  
洛陽且得三春住  
看過名花一捻紅

聞說箏郎太瘦生鳴箏騎馬蹋歌行  
霜天古驛秋如許  
莫譜梁州入破聲

大司農梁公繼夫人輓詩六章即次司農公悼亡

詩原韻

秋水蓮花藉作胎鍾家禮法謝家才  
仙人偶向人間住

環珮天風自去來

自是聰明減歲華蛾眉新月影西斜  
長安昨夜秋風急吹落優曇第一花

玉臺金縷忽承塵翟茀魚軒色尚新  
興慶蚤朝諸命婦首行今更屬何人

鶴珮隨風返碧雲步虛聲繞鬱金裙  
尚書自寫烏啼曲縱是神仙不忍聞

熏暖朝衣喚著時水沉香縷一絲絲  
于今一任雞聲急

泉路雲深知未知

無憑天問欲如何忍令韶華委逝波  
永日朝回秋簟冷  
梧桐葉上雨聲多

穀日登萬歲山

層巒曲磴

帝城邊登眺平臨尺五天碧落曉浮三殿影  
翠微春暖  
萬家煙湖光漸綠冰初泮輦路纔青柳欲眠  
昔日洗妝  
臨水閣年年芳草自芊緜

許孫洲庭前雙松次韻二首

蕭然官舍見雙松，詰曲空階偃籜龍。  
北闕晴籠金碧影，西山雨接翠微峰。  
枝留玉署經年雪，濤雜華清午夜鐘。  
京洛僦居嘉樹少，羨君幽賞已秋冬。

卜居應爲飽看松，影落晴窗矯若龍。  
閱世最宜貞晚節，置身端合在高峰。  
臨風髣髴疑清珮，入夢蕭涼似曉鐘。  
冰雪與君同閉戶，兩株蒼翠足三冬。

爲石林題畫幅十二首

亂石谿橋接短籬杏花齊放柳如絲那堪盡日塵中住  
看到江南二月時

野水微波動石梁蒼山千疊晚風涼可知書閣芭蕉下  
不少閒人話畫長

柴門花徑水西東相對扁舟雪鬢翁正欲賣魚沽酒去  
鮮鱗潑刺月明中

嵐光如滴正春初樹色花田錦不如近日桃源無客到  
不須重畫武陵漁



低垂老樹結煙鬟  
古屋參差水石間  
絕與大江風景似  
落帆初泊二梁山

蕭蕭邨落掩柴籬  
遠寺鐘聲出樹時  
一歲秋從黃葉老  
石梁松畔幾人知

澄江如練放扁舟  
千里江光盡入樓  
羨殺秋風樓上客  
明霞落處數輕鷗

徑轉峰迴古木陰  
懸泉飛雨出空林  
臨流亭子谿橋上  
一樣煙巒世外心

谿山宜夏亦宜秋水面茅亭石上樓恰與少陵詩句似  
扶筇二老各風流

碧岑黃葉影蕭蕭秋色林間似可招客正吟詩高閣晚  
白雲何意滿山腰

千峰雪霽練光勻有客紅衫烏角巾故國梅花谿上路  
吟殘驢背獨斯人

山光如沐曉來新樹色高低雨後勻潑得墨痕濃似酒  
羞將輕淺學時人

校士闈中題壁

高樓鐘鼓夢魂猜覺後知登選駿臺敢負昔年辛苦地  
杏花曾見淚痕來

送何次德歸金陵次蕤音侍御韻

冀北人歸屢數奇江南猶不負花期劉蕢伉直無酸淚  
曼倩恢諧有令儀諸弟烏衣皆綵筆雙親鳩杖各龐眉  
人生勝事君兼有況復詩名謝客兒

仲兄自南來留京師浹旬而歸詩以送之四首

歸夢頻年憶弟兄南來鴈影獨含情鶯聲故國青山別  
驢背秋風白髮生京洛輪蹄憐薄宦湖田歲月羨躬耕  
那堪對酒分攜去柳正濃時唱渭城

別業城南桃李蹊銜杯先與問幽栖爲言樹色新藏屋  
卻憶荷香舊拂隄疎竹漸添書閣外垂楊恰覆水亭西  
長安三月猶如許白草黃沙沒馬蹄

湖山仲子老漁蓑搖落諸昆髮蚤皤十載相看貧賤在  
一官贏得別離多松楸幾處頻回首薜荔何年遂放歌

我有遠心終自慰不教人爲惜蹉跎

春暮人歸逐鴈鴻頻年湖海已成翁  
葑堂脩竹千竿裏小艇新荷十里中  
紫蟹銜霜迎夜火紅鱗出水媚秋風  
每從送客增惆悵惜別思鄉此際同

送蔡石公歸德清

秋風將夕至人去禁庭陰豈爲浮雲感知君道氣深  
煙霞南國夢疏水北堂心聞說幽栖地丹峰映碧潯

南苑月下同此瞻漫成四首

御苑秋清日平郊雨霽初暮鴉歸樹滿夜火隔林疎斜  
月臨馳道輕雲覆直廬匡時經術在詞賦薄相如

野濶秋光迴平沙幕影攢鐘鳴千樹裏漏轉五雲端匹  
馬嘶風急單衣對月寒枕書閒不寐卷幔與同看

武備清時重霜風羽獵催射熊千騎擁試馬六軍來柳  
色行宮暗爐煙講幄開叨陪香案吏金石賦天台

向夕同清歡論心入夜闌功名吾道重遭遇古人難  
黼坐資微密蒼生待治安退朝書一卷休暇勉加餐

送石林歸寶應省覲二首

同是南來燕相依  
白板扉今年秋色裏  
日送故人歸湖  
水迎門濶鱸魚壓釣肥  
高堂正華髮此樂似君稀

晚涼微雨後多是過君時  
斐几書簾暗紅鐙夜漏遲  
狂歌題素絹小飲出花瓷  
良會從茲減臨風重所思

送素存宗兄歸京江省覲四首

丹地追隨久霜天鴈影稀  
京華秋色晚江海侍臣歸  
北固逢鱸膾東山映綵衣

君恩休暇日分得奉春暉

平子家何處煙波海嶽菴頻年留冀北歸夢滿江南  
瓜步雲邊樹金焦水上嵐清秋陪杖履一一好重探

京洛栖遲客蕭齋恰望衡攤書分夜火入署共雞聲秋  
水還家路霜風惜別情趨朝期旦晚相憶滿西清

承歡多勝事辛苦弟兄心一自元方去三年感至今養

雛成健翮巢鶴有深林

時爲禮存  
營宅安

姜被皆名士池塘續

舊吟



大司農梁公出畫蝶扇命題二首

寫生偏愛草蟲微，螺黛爲裳粉作衣。  
最是閒情看不厭，野花藂裏蝶雙飛。

輕綃裁作白團扇，嘗在尚書篋底存。  
公子攜從階下走，撲來新蝶一雙痕。

爲蛟門題王筠侶畫扇二首

經霜紅葉一枝斜，暝色孤栖縮項鴉。  
高士自嫌王謝貴，平生不愛寫春華。

紅袖招人去酒壚草蟲花鳥近時無汪倫好事新求得

淡墨輕紅相葉圖

筠侶名崇節宛平人文貞公之弟

送周星公歸西安省親

翠靄秦關送客行

君恩暫許去承明挂帆不是尊鱸興捧檄偏含菽水情  
花滿粉榆筇杖穩春深鄠杜葛衣輕駐顏欲問安期術  
仙掌雲中曉露清

春晚同康臣簡人子厚偕藻諸子出東郊遊憩因

得觀安親王園亭四首

三月河橋柳色新  
含煙帶雨綠初勻  
塵中車馬疲官長  
郭外鶯花屬野人  
客緒愁吟傷短鬢  
酒旗閒訪趁殘春  
京華同是天涯子  
感物思鄉意最真

晴郊徐引紫絲韉  
出郭纔知春晝長  
堤柳風輕鶯語滑  
水芹香暖燕飛忙  
新豐酒幔飄紅杏  
杜曲歌聲隔海棠  
忽憶征南人去後  
鼓鼙湘浦戰雲黃

帝子園林綠水隈  
金輿常自鳳城來  
西山翠巘當樓出

南國名花繞砌開，碧樹千重圍礪谷。  
清波四面漾亭臺，凌空閣道偏奇絕。  
一片流雲共溯洄。

玉砌雕闌本內家，移來丘壑有煙霞。  
古藤奇石盤松徑，高柳扁舟繫水涯。  
頻許遊人闕秘閣，還容閒客泛仙槎。  
近來岐薛稀遊燕，頭白中官自看花。

送錢飲光歸里門二首

短鬢蕭疎薊北行，元龍豪氣尚縱橫。  
故人洛社多耆舊，流輩騷壇熟姓名。  
坐擁虎皮談易罷，歌停象管待詩成。

尚書最重平津客垂老知音感易生

飲光名澄之同里  
人工詩文客都門

爲龔合  
肥重客

湖海人歸已廿年卜居猶待賣文錢  
欲諧禽向三山約須覓縱江二頃田  
花雨紅時攜鋤往荷香深處抱書眠  
翦鋏頻話家園好未遂滄浪意惘然

贈許伊蒿三首

淮南冀北歷風煙執手長安一慨然  
驅馬恰逢三月暮公車曾謝廿年前  
深藏劍氣干雲直久掩珠光出海圓

一代元音欣有託煩君鼓吹鳳城邊

伊蒿廿年前已爲明經上第辭不就

幾點春花入戶開小窗明月故人來  
頻年難得家山話  
此日同銜客舍梧  
莫向征途傷短鬢  
還看京國有高臺  
公孫對策年相似  
鴻鴈秋光驛路催

重晤當時硯北人  
勞勞衰鬢久風塵  
家園兄弟經年老  
故里鶯花入夢頻  
竹覆小亭堪放屐  
荷侵水檻足垂綸  
仙靈訂我柴桑約  
何日山中問許詢

送寄亭歸松江四首

平子風流舊有名新詩傳誦滿都城錦箋百幅揮毫就  
常聽春蠶食葉聲

名士無勞歎數奇韓翃徐擢重當時君才伯仲何嗟晚

百尺珊瑚照鳳池

韓徐謂元少方虎

鳩杖雙扶雪滿顛眼看雛鳳又踰躔歸來珍重承歡日  
新釣鱸魚玉膾鮮

江南蚤促舍人裝燕市臺高待驕驕期爾同吟春草句  
莫教相憶夢池塘

送宋中郎同年之任脩武

燕臺送爾意何深  
嵩洛雲山自古今  
王屋峰前看露冕  
黃河曲裏聽鳴琴  
可知桑柘行春日  
不改梅花作賦心  
近日循良多上賞  
期君入侍禁庭陰



文端集卷十七



欽定四庫全書

集部

文端集卷

十八至  
二十三

詳校官庶吉士<sub>臣</sub>汪彥博

助教<sub>臣</sub>常循覆勘

總校官降調編修<sub>臣</sub>倉聖脉

校對官中書<sub>臣</sub>葉蘭

謄錄監生<sub>臣</sub>李方華

欽定四庫全書

文端集卷十八

大學士張英撰

存誠堂詩集十四

近體詩六十三首

四月望日同五崖南溟諸子出郭遊寄暢園遂過

豐臺看芍藥四首

年年花事約來遊  
偶爾招尋願已酬  
柳疊濃陰迷古道

麥迎新雨漾平疇馬蹄但覺紅塵軟鳥語全從碧樹幽  
白袷蚤涼吟歎久頓教逸興滿滄洲

侯家臺榭掩青莎繫馬今年喜再過新漲平時登畫閣  
午陰圓處對庭柯水鋪荷芰連朝滿風落藤花昨夜多  
媿我常隨王謝燕橫塘曲徑任婆婆

韋曲春殘杜宇催聯鑣爲看藥欄來香生籬落晴偏暖  
錦覆花田午正開好友心情宜出郭閒曹休沐任銜栝  
綠陰乍愜投林意坐遍農家石上苔

家家紅藥殿春陽極目花畦爛衆芳錦珮亂翻瓊玉圃  
彩霞遙映赤城梁一川風露鶯聲麗十里繁華蝶翅香  
不減廣陵高讌會名花應有帶團黃

題桔槔圖

布穀隴頭鳴平畦春水生清流黃犢健新漲白鷗輕野  
老耕耘計田家婦子情何時筇杖往飽聽桔槔聲

題梁子培揖石齋圖二首

方袍長揖意何殷東壁奇峰一片雲堪惜古人猶未免

惟知誇向大將軍

曾向吳山樹底逢青蒼面面削芙蓉問君畫裏新移得

鍾翠亭邊第幾峰

鍾翠亭在吳山最勝處予培時爲錢塘令

立秋後十日同康臣五崖南溟攜尊寄暢園率成

二十韻

京洛車塵滿園林野色饒趁晴聊出郭休沐共聯鑣雨  
霽谿還漲風高柳暗凋古槐蟬噪急豐草馬聲驕水亂  
兼葭影籬荒木槿條平蕪秋冉冉別館路蕭蕭門巷成

邨落池塘遠市朝樹欹眠碧澗樓敞入青霄蓮萼虛堂  
靜藤陰曲徑遙幽齋雙白板斷岸小紅橋密莢中流采  
微香隔浦招相將登畫閣何異泛蘭橈波細珠簾捲涼  
輕翠蓋揺花齊因宿雨葉長趁新潮埜趣頻年減塵心  
此際消林讎知鳥度萍動識魚跳蘿帷攤書卷荷筒折  
酒瓢提壺紛士女取醉任漁樵歸騎仍潦倒明蟾剩寂  
寥何時營小築相約避煩囂

上房師即墨黃公

岱宗瞻氣象蓬島毓靈奇東海迴風筆朝霞浴日安分

符三輔近

從鹽山令入官計部

報政隔年期邛鼓傳輿頌棠陰照

路碑湛恩濡瘠土古法治今茲斥鹵成佳壤荏苒化健

兒璽書褒雉瑞仙舄到龍墀計部咨錢穀農曹領度支

青縑眠獨晚粉署出常遲裕國攄籌畫登朝盛羽儀書

帷容日接帶草許頻闕不獨生成感深叨雨露慈桂香

樽滿日霜白鴈來時耿耿秋河碧星光映紫芝

館師孝感熊公母李夫人節壽詩

天章榮壽母坤德毓宗工世澤傳仙李高門儼鬻熊柳  
顏芳軌接鍾郝令儀同教子經兼史傳家孝與忠七襄  
成黼黻雙玉琢玲瓏茹檠三旬後鉛華五夜中冰心寒  
浦月霜節勁松風南望賡天保岡陵指華嵩

蠟梅

幽花合種水雲鄉疑是庭梅發蚤香對客謾誇瓊玉樹  
辟寒新翦鬱金裳洗紅偏覺和條瘦謝艷爭看點額黃  
蜂蝶不來名卉盡託君高致殿羣芳



蛟門尊甫觀瀾先生年九十猶善飯讀書

廣陵傳大耋雙鬢久皤然就室嘗珍日登朝賜几年靈  
光餘魯殿弱水看桑田已覺期頤近猶聞手一編

昔共金門客銜枯話老親竟辭雙鳳闕歸作五湖人杖  
履花時健尊鱸笠澤春三公輸一日吾黨美汪倫

題畫二首

邨邊老樹漸成陰有客微吟策杖尋回首枳籬雙掩處  
桃花春晝草堂深

蕭蕭門巷似家山，薄有林泉屋數間。  
最是江南三月好，幾年常在畫中看。

送趙鐵源編脩校士粵東二首

祕閣詞臣簡上方，玉衡金鑑照南荒。  
青藜色映珊瑚彩，碧海兵銷日月光。

時方用兵西南

天藻五雲飛翰墨，使車雙壁

動星鉞。番禺山畔論文暇，羌管無勞憶故鄉。

倚樓新句似冰清，傳誦因知惜別情。  
六載才名高虎觀，七千江路涉羊城。  
詩從荔子香中得人向，梅花嶺上行。

隔歲遲君歸玉署好奪芳杜報承明

夾竹桃詩同孫杞瞻裴晉度賦四首

莫漫歌桃葉偏宜賦竹枝綴條紅淺澹映樹綠參差堪  
引漁郎櫂還迷帝女祠此君猶未免芳意向人持

穠艷花偏晚簷簷葉正新渭川初避暑玉洞尚留春直  
節思君子朱顏惜美人湘簾深掩映羅綺各相親

花滿瑤池日偏聽黃竹歌仙源如可問好共子猷過綠  
映淇泉暗紅飛露井多龍鍾當五月或恐醉顏酡

五月十八

爲竹  
醉日

武陵湘浦路歸夢滿江湖虛憶十年實何堪一日無只  
宜臨水岸豈意拂雲衢晚節如相似芳心幸不孤

又次此瞻韻六首

阮籍頻來賞劉郎倩作媒穉沾紅雨潤花壓綠陰開映  
水非依柳迎寒豈伴梅清樽盈竹葉常教玉人頽

江南春雨後密篠映芳叢苦憶鄉園裏驚看小苑中枝  
分千畝綠花借六橋紅幾尺琅玕上嬋娟立晚風

何事倚脩竹。嫣然點綠苔。祇應貪結子。好待鳳雛來。筠粉紅妝膩。綃衣碧玉裁。從來天上樹。常避俗人栽。

春色移長夏。閒花麗復幽。青鸞紅粉隊。綵鳳碧雲頭。高士鄰桃渡。佳人醉竹樓。瀟湘千古淚。點點落春流。

霜筠多勁質。亦解鬪羣芳。數朶溥朝露。疎枝泛夕涼。影連青玉案。色映紫霞觴。最愛蕭疎裏。春風滿畫廊。

傾城悅名士。春色是良媒。正對蕭蕭影。還憐灼灼開。叢篁成綺樹。節候近黃梅。幸託霜根老。芳菲豈易頹。

送子脩同年歸溧陽省覲四首

驅車一自別湖天  
秘閣詞曹近十年  
騎馬每隨仙仗裏  
揮豪常在

御牀前鶯花處處  
旗亭酒屏障家家  
蜀錦箋似子風流  
京國少何堪惜別  
禁雲邊

數載聯裾在鳳池  
與君同得奉光儀  
西園玉醴承恩日  
南苑宮櫻拜賜時  
行殿曉煙朝進講  
直廬春雨夜成詩  
從茲銅鶴前頭立  
風度常思玉樹枝

疏水寧親願不違

君恩特許覲庭闈毛生拜闕持丹誥萊子還家著賜衣  
匹馬莫辭鄉路遠居人爭看侍臣歸祇今長蕩湖邊去  
蓴菜鱸魚秋正肥

綠槐丹地共橫經好友關情比鵲鴿幾度銜枯思舊雨  
十年同學漸晨星高蹤自是雲中鵠佳地還隣木末亭  
聖主九重宵旰日煙霞莫戀白鷗汀

同年諸子於寄暢園爲子脩餞飲五首

經年遊燕少荷綻此初過葉覆平橋密花迎曲檻多入  
林閒枕簟隔水駐笙歌還送南歸客鄉心奈爾何  
幽林時雨歇騎馬蹋晴沙蟬噪偏臨水荷香不在花朱  
欄新畫閣古樹舊浮槎丘壑畱餘賞風流說米家

蘋香含宿雨人影落清池脫帽狂呼酒高吟卧聽棋漁  
樵任雜遝鷗鷺莫驚疑惆悵斜陽外微涼惜別時

風生荷蓋上欲去重淹畱浮果游魚出移尊小閣幽孤  
邨堪避暑六月蚤迎秋南陌勞勞者征車似水流



頻年遊賞地今日獨歸人冉冉江南客栖栖冀北春  
傍籬思荷鋤臨渚憶垂綸初服何時遂漁樵乞此身

寄省齋

先世風流綠野存韋家相業有文孫庭前綠袖圍雙鶴  
天上琪花照一門書畫扁舟桃葉水鶯花別築謝公墩  
東坡自譜南飛曲詩滿床頭酒滿尊

重九前二日夜同念齋話太湖光福之勝偶成二  
首

迂嬾連朝出每遲過從舍此更何之高談不似塵中話  
妙悟多於病起時黃菊鄉園千里隔紫螯風味兩人知  
清樽自是吾儕樂今古迢遙寄所思

閒話家山益惘然洞庭林屋四時天千邨花圃延遊屐  
萬疊谿光引畫船梅浪風翻銀海雪黎雲香暗錦城煙  
與君豫訂栖遲日取次探幽住一年

同念齋坐善果寺

荒寺蕭蕭木落時何來閒客共栖遲斜陽影裏聞清磬

黃葉聲中讀古碑  
破衲正逢僧定出  
空塔坐見塢陰移  
與君竟日香林話  
十丈紅塵滿路歧

十月初二日景山侍宴

御苑秋深葉正飛  
金鋪碧瓦散晴暉  
平臺萬樹連青瑣  
北極三峰護紫微  
屬國象胥沾

聖澤羣公虎拜奉  
恩輝書生豹尾雲  
中立入侍名王盡  
錦衣

送姚注若歸里門二首

朔風遠送故人車，聽我清歌且勿譁。  
萬石諸郎皆謹厚，謝庭羣彥復才華。  
風流觴詠堪千古，禮法文章數一家。  
未達如君莫惆悵，且歸幽築看梅花。

城西手自闢荆關，松竹經年待客還。  
遠市林塘供獻傲，閉門丘壑任躋攀。  
清陰低覆亭邊樹，積翠遙看郭外山。  
來歲春風相憶處，枕書浮白落花間。

注若新築  
茲園始成

喜姚小山自德安令以卓異入都二首

蚤年射策重西京，出宰江州最有聲。  
力減租庸紓瘠土，

計增壁壘保孤城書生百里兼談武循吏千家學治兵  
今日嚴廊虛左席好將經術致昇平

一卷吾家道韞詩珊瑚簾底總相隨元霜更許迎桃葉

紅雪還能賦竹枝錦瑟定知宜玉樹鵷雛應待浴龍池

期君香繞鳴珂日正是珠擎繡褕時

吾從妹適小山  
著有保艾閣集

題畫

枳籬茅屋迴無塵滿徑苔痕不記春一自陶潛爲吏去

北窗閒臥復何人

七月十七夜將曉金水橋看月

萬井鷄聲繞建章西清雲樹轉蒼茫石橋倒影看殘月  
金水微波動蚤涼曙色觚棱先送曉露華松柏暗生香  
幾年坐聽南宮漏千步廊前數鴈行

又成絕句

臺殿參差入望寬黃金鴛瓦玉闌干十年一片長安月  
常向東華待曉看

同項眉山前輩素存宗兄緘齋歌起玉依同年飲

城南小園

百丈黃塵惹鬢絲，偶因逃暑入花籬。  
清曹閑客荒園路，白袷高談夕照時。  
松勁最憐垂地影，槐低偏惜礙人枝。  
爲看暝色蒼煙好，莫訝停車去轉遲。

宿呂仙祠

門臨汜子河

攜來枕簟聽鐘聲，汜子河邊月正明。  
丹鼎煙霞迷舊性，黃梁事業誤浮生。  
嚴城柝急烏啼蚤，古屋鐙懸鶴夢清。  
我欲采芝行樂去，從君一問碧山程。

姚小山相訂遊城南寄暢園不果往示同遊諸子

二首

習家池館正芳菲有客相將款竹扉  
南陌垂鞭乘曉露小亭鋪簟待斜暉  
紅蕖颭水侵人影高樹分涼到客衣  
惆悵由來平子慣年年幽賞願多違

明河翹首隔煙霞博望虛傳欲泛槎  
底事三山疑海上

等閒十里即天涯多慚關吏還攜酒

右安門尉是日治具

深愧園

丁爲埽花遊客莫將幽勝事輒紅塵裏向人誇



送方邵邨還金陵二首

海天高翦羨冥鴻建業移家隱桂叢此日桑乾重策馬  
當年京洛舊乘驄丹顏獻傲諸卿上墨濡淋漓五夜中  
自是清才兼衆妙一時傾倒識宗工

閒情藻思滿滄洲常向旗亭物外遊燕市黃花爭逐客  
津門紫蠟正迎秋高談盡愛陳驚坐佳句羣推趙倚樓  
木落霜飛偏惜別石城南望大江流

題畫梧亭小景三首

幽人小築石橋東  
紙閣湘簾正晚風  
滿地碧雲波蕩漾  
始知疎月在梧桐

書窗疎影綠參差  
好是清秋落葉時  
一夜新詩吟不寐  
朝來題滿碧梧枝

背郭臨谿老樹傍  
小橋流水入方塘  
他年若得林泉住  
多種紅葉與綠楊

送七弟歸里四首

七載驚離別  
今看頗有髭  
性能敦孝友  
雅復善文詞  
醇

謹吾真愛清寒爾最知勞勞問親故姜被夜闌時

鴈影霜天度新沾陌上塵祇因余薄宦深愧爾長貧閉  
戶承家學重泉慰老親要知天意在培植藉艱辛

故山雲樹外惜別動離愁遠客當殘歲長途倚敝裘風  
霜看岱色冰雪入河流猶喜家園好燧煙已盡收

手植寒花在歸時憶正開莫將京國態話向故山梅歷  
亂江城雪團圞伏臘枯讀書兼教弟珍重問南來

上李高陽閣師

寰區鍾間氣象緯誕師臣補袞傳家學登庸邁等倫端  
卿推世範文靖本天人

聖主憑依重

先皇顧問頻蚤年登祕閣壯歲秉洪鈞治道從容論討  
謨密勿陳高深同海岳翼贊在絲綸輓俗還三古調元  
序五辰持躬方且直愛士澹彌真宏獎皆才雋旁搜極  
隱淪屢崇槐位秩三典杏園春事業符天紀聲華溢地  
垠詩尤刊月露學獨闢荆榛揆席禎符集台階景福臻

斗杓方建亥崧嶽慶生申厚德培仙李長齡頌大椿金  
章傳奕代玉醴賜千巡共仰台星麗光輝映紫宸

文端集卷十八

欽定四庫全書

文端集卷十九

大學士張英撰

存誠堂詩集十五

近體詩八十首

送彥昭還里二首大郎士黌子壻也前年來贅京

師時挈壻女同行

頻年坎壈奈才何驚入新霜鬢漸皤骨肉翻從京國聚

牢騷常聽醉吟多黃花恰送人歸里落葉偏催馬渡河  
爲憶講堂春晝好臯比差許勝煙蘿

嬌女年年繞膝行鵲巢初御返江城遠遊喜賦將雛曲  
薄宦深慚賣犬情故國田廬堪燕譽外家兄弟羨冰清  
高堂日奉含飴樂綺閣春風叶鳳鳴

題汪蛟門舍人百尺梧桐閣圖因送其歸省四首

舍人觴詠頗能豪十二澄泥佐吮毫高閣醉吟江月落

新詩堪敵廣陵濤

蛟門有十  
二研齋

廿四橋邊有故廬高梧脩竹映階除東華十丈紅塵裏  
乞得閒身且著書

華髮高堂比僦仝衝寒歸養獨翻然齒將甲子生汪李

目見成名已十年

尊甫觀瀾先生年九十餘

蕪城柳色錦帆雲浮玉江泉手自分杖履可隨書可讀  
此生雙得不如君

午日講筵

瑤函永日侍宸楓講幄西清閣道通綵綬天中傳令節



冰壺殿角動微風香分艾葉牙籤綠色映榴花玉簡紅  
不用廣陵求百鍊

君王寶鑑六經中

贈王近微先生

蒼松蓋偃九華芝中有仙人冰雪姿幽夢不緣丹詔起  
賞心惟許白雲知雪間鴻爪看軒冕花外鶯聲倒接離

仰止高風稀得似吮豪曾賦墨莊詩

先生屢膺薦  
辟固辭不赴

即事二首

鐙夕諸王宴禁闌蜜羅柑貯紫金盤盡頒

御饌偏畱得指點西頭賜講官

紫閣新懸五色絲蒲香榴火映龍墀中官滿注雄精醖  
尚待

君王罷講時

題贈宗室鎮公四首

清時帝子奉恩光金殿東頭第一行若木連枝叢玉葉  
仙源分派接銀潢紫庭霞起陪芝蓋梁苑花飛集羽觴

自是九天鸞鳳侶桂宮蘭坂日翱翔

聞禮聞詩道氣濃天家兄弟盡璜琮東平樂善傳家學  
沛獻能文號雅宗對客清吟常磊落退朝儒服自雍容  
從來仰止天孫岳何幸光儀此日逢

虛懷若谷獎羣倫賓從郇牧授簡頻愛士不矜軒冕貴  
憐才常問薛羅人手揮白雪朱絃古自寫黃庭綵筆新  
莫訝冰心恒獨映蓬瀛高處本無塵

曲曲朱欄帝子居琴樽瀟灑間圖書閒窓竹色秋聲滿

小閣梧陰夜雨疎綺砌春翻紅勺藥湘簾宵透碧蟾蜍  
懸知漏轉花深處日日高吟步玉除

春日西苑石橋南望

杏花開滿石橋西楊柳參差綠覆堤湖上日斜春水濶  
波痕動處浴鳬鷺

何日

何日青山下誅茅結數椽暮蟬千樹柳曉露一池蓮摘  
豆朝餐飽拋書午睡偏便須從此去蓑笠老江煙

九日同說巖叻菴兩前輩澹人近公直

南書房限登字

木落鴻飛曉露澄  
家山兄弟正偕登  
故園黃葉三千里  
深殿朱欄十二層  
數子秋吟同禁漏  
百城朝擁對觚稜  
此身惟覺

君恩重欲遂巖耕苦未能

又限高字

臨渭亭前拂綵毫  
分題不減昔時豪  
人間秋到龍墀蚤

天際雲依鳳闕高  
九日風光偕勝侶  
十年京國媿詞曹  
相期珍重茱萸節  
明鏡新闕感二毛

讀堯峰集

予每謂人當有性情之樂然未敢輕以語人即語人亦多不解讀堯峰集髣髴遇之知鈍翁於此中有得也率爾成一絕句

禁漏沉沉出每遲  
昨宵歸夢到柴籬  
起來自擁羊裘坐  
愛讀堯峰一卷詩

寄柯素培銀臺

時母夫人年八十餘

每瞻風度慰平生曲巷比隣聽履聲  
自著綵衣娛壽母頻教白社有清卿  
一門耆耄通仙籍諸子才華滿帝京  
遙憶梅花最深處麻姑膝下坐吹笙

贈施愚山二首

共住江南北才名仰顧厨青山耽舊業  
丹詔起醇儒久愛詩篇好兼聞道氣殊  
明時方側席莫擬著潛夫鄒魯絃歌地  
掄文最有聲檐帷看泰岱函席接蓬瀛大

雅傷淪棄宗風賴拄撐豈應將五字獨數謝宣城

寄題仲姊龍眠山房三首

郭外名山近新聞選一丘垂簾花嶼晚洗硯碧潭幽竹  
杪泉聲落松顛閣影浮諸甥能色養奉母數來遊

野性耽林壑孤雲寄所如十年京國夢千紙故園書鳥  
倦思投樹龍眠擬卜居家山幽勝地何處是吾廬

欲遂吾廬願殷勤囑魏舒衆峰羅戶牖一水入庭除樹  
色千章密花田十畝餘幅巾藤杖日相約比隣居



題石林扁舟釣魚圖四首

柳下扁舟一釣竿  
畫時容易到時難  
五湖煙水知無限  
但許人從紙上看

故人家傍射陽湖  
聞說園林比畫圖  
此願有時應得遂  
只愁添著白髭鬚

軟紅塵裏是長安  
滿眼盧生夢未闌  
敢信湖山曾有分  
莫將蓑笠等閒看

細草微風漾綠波  
此中贏得醉吟多  
扣舷若詠滄浪句

須念題詩張志和

送吳堦驥偕次女還桐城

大雅推先子襟懷若飲醇鳳毛今楚楚麟趾本振振  
鞠育凌風翼辛勤履雪人冠纓承世澤師友在天倫  
薄俗驚吾里潛光喜至親讀書心貴小求益意須真  
莫厭編摹苦長辭剝啄頻樓高聽曙鼓徑僻閉秋筠  
羽翮能殊衆扶搖自絕塵寸陰如尺璧珍重少年春

送仲張南還二首

金匱四庫全書  
卷十九  
揮毫擊鉢愛詩成平子才華滿

帝京瑣院人爭推藻鑑登壇賦可擲金聲莫因去住尊  
前話輕感浮沈世上名眼底揚雄曾未薦千秋慚對漢  
諸卿

頻年京洛共栖遲忽見吳舸送別離世路崎嶇淹壯歲  
高才淪落歎明時鵲鵲枝上花連萼鸚鵡枯中雪映眉  
暫向滄江修菽水五湖秋蚤足蓴絲

送李天生檢討還秦中四首

當宁旁求切張羅得鳳麟同朝傳盛事空谷起斯人壯  
志經綸濶高懷器業醇愛君風味好不改舊松筠

鴻編須巨手何意獨拙簪去閣他年事蘭陔此日心上  
書臣願切優詔

主恩深珍重承歡去非關戀碧岑

時方纂  
修明史

仲蔚蓬蒿徑曾聞客款扉頻教清夢接翻遣素心違翦  
燭期同話吟詩卻送歸蒹門秋色蚤河柳正依依

報國儒臣事君歸豈漫然地維連蜀道天險扼秦川塞

北多鳴鏑河西有控弦

聖朝恩澤厚藉與遠人傳

贈孫愷士孝廉

孫綽才名久頻年客

帝鄉登車陪仗節觀日近扶桑詩重雞林價金辭陸賈

裝歸來報

天子聲譽動巖廊

曾隨侍衛之朝  
鮮辭其餽金

偶作

二十年前種竹詩倚窗遙計密陰時祇今辜負窗前竹

露壓煙籠碧玉枝

予己亥初築遠峰亭作種竹詩有倚窗遙計密陰時之句李芥須賞之客

徐莘叟前輩家作移竹詩用此結句也共畢城徐太史倚窗遙計密陰時今偶憶及續成絕句

### 寄仲姊三首

同氣俱華髮深推道韞賢禮遵慈母訓詩續大家篇珠樹三枝秀藍輿一徑偏春暉堂上燕會見羽毛鮮

堦真誇玉潤翁獨愧冰清紙閣連鴛瓦瑯簫近鳳城杏

花迎客騎榴火促歸程期慰倚閭望徒牽弱女情

甥為予第

二壻時就婚

長安送歸

星光懸屋角多是入門時  
慈愛羣兒語貧憐巧婦炊  
家山清夢繞宦味白髭知  
骨肉如相念裁書莫厭遲

奉輓座師給諫在平王公

世仰河汾學人鍾泰岱英  
訐謨推大諫雅度重清卿  
久負寰中望常標物外情  
獨留遺草在朝野共吞聲

節物逢休沐林巒數往還  
曠懷耽好景遊跡徧空山  
夢憩松窗下詩留薜壁間  
來青軒裏句指顧動天顏

英危  
蹕至

來青軒

上見壁上有公詩賜問謹對臣康熙二年舉人臣曰高

典江南

鄉試

寒松凌絕壑清譽冠時賢蚤歲登華省長貧少俸錢書  
猶堆鄴架花自發平泉客滿公孫閣風流海內傳

千里在山道經年感歎頻薦芻空悵望執紼久逡巡共  
灑扶風淚深慙立雪人此詞同宋玉哀輓送車塵

爲澹人題

賜榴圖



榴房新結水晶圓  
齟齬迎秋色倍妍  
深識侍臣將母意  
常教懷橘

至尊前

送倪甥伯醇南歸

魏舒挾策遠相過  
惜爾長貧衣薜蘿  
太史縹囊書蚤讀  
成均石鼓字新摩  
青山路遠倪寬宅  
匹馬人歸魯肅河  
猶喜故廬三徑好  
梅花春信動南坡

伯醇居魯王河  
有子敬遺跡

送王仲昭還錢塘

明珠百琲思如泉脫腕新詩洛下傳

天子好文官特簡相公愛士榻常懸青山叢桂仍招隱  
白髮蒼松與記年和靖千秋湖上客梅花鶴夢兩翛然

仲昭名嗣槐杭州人爲益都馮相國重  
客詔以年老有文學特予中書舍人銜

對盆中緋桃花卻憶

故國春山路桃花劇可憐淺深叢竹裏紅白小谿邊帶  
雨迷邨市和煙壓釣船祇因溫室樹相憶卻年年

曉起

疲馬嘶中夜聽雞陌上趨寒星當曙白霜月入煙孤波  
靜魚初躍林鮮鳥乍呼山窗幽夢穩誰與問潛夫

蚤經玉竦橋

曉日華林道鳬鷺宿淺沙新荷香在葉芳草露爲華碧  
瓦迷朝霧紅亭接曙霞幾年騎馬客鞭影起林鴉

送丁鴈水之任贛州

旌節虔州使新從粉署來江連章貢水城對鬱孤臺共  
喜休兵日欣逢濟世才政閒吟好句香接嶺南梅

寄冒巢民二首

脩然野鶴迴無塵竹鳴花谿洽隱淪閑聽耆頤談往事

陶潛窗下葛天民

海上神仙近可呼紫芝瑤草接方壺鹿門況有雲英伴

自寫生綃五嶽圖

瓶花

一年花事膽瓶中拂研猶含曉露紅偏到華清最深處

撩人無限是春風

遊仙詩二首

碧窗仙館接蓬瀛  
玉藥雲芽繞坐生  
七寶玻璃傾石髓  
水沉香裏聽吹笙

十二層城倚碧空  
滿樓明月滿簾風  
洪崖相約驂鸞處  
千樹桃花曉露中

贈姑蘇周履坦

履坦供奉內廷時  
上命爲予畫小像

直廬鈴索地曾識  
顧長康寫照傳

天語揮毫近御香

宸顏頻激賞，衰質藉恩光。  
底事耽湖海，輕帆別

帝鄉。

送何牧伍之任洪雅

魚鳧天塹下，王師何遜新。  
礪出宰時客，路秋雲過劍閣。  
官齋山色對峨眉，遺黎尚有花邨在。  
循吏真於秦谷宜，好把灋谿詩一卷看銷兵甲理東菑。

野老

野老青藜杖，空山白葛衣。  
菜畦朝露往，花徑夕陽歸。  
竹

金詞四庫全書  
卷十九  
色忘榮落鷗言無是非此間差不惡消息愧知稀

抱膝

抱膝扁舟上天光接水雲  
芙蓉清照裏明鏡對湘君  
逸興看魚樂閒情入鷺羣  
不知霄壤內何處著塵氛

卻憶

卻憶空潭碧風亭一水隈  
清流銜砌轉飛瀑濺珠來  
梧影當窗落蘭香遶榻開  
數聲黃鳥歇高枕夢初回

卻笑

一灣新漲裏千樹綠楊邊濯足還垂釣清歌自扣舷長  
腰炊玉粒縮項煮銀鱖卻笑秦樓客吹簫枉學仙

擬王右丞田園詩十首

白袷輕衫策杖柳陰十里新鋪幽徑一聲黃鳥何羨與  
前八騶

垂地柳絲千尺飏風裊露輕盈中有柴門隱約日高惟  
聽春聲

深苑重簾小閣枝壓梅花萬重戶外久無人跡讀書煨



芋三冬

梅子風光將近櫻桃時節初過碧愛上林玉籀淨憐出

水錢荷

三間五間茅屋千山萬山落霞欲覓先生何處小橋流

水桃花

漫道平泉金谷山人絕世繁華朝露晴光勺藥晚煙明

月梨花

瓜蔓寒侵籬落豆花秋滿堦除留客山厨晚飯起來自

翦新蔬

別業新題學圃翁自署山癯穉子扶輿捧杖奚僮挈

榼提壺

比舍家家竹徑肩輿日日松陰寄語風流賀監惟輸頭

白抽簪

倦後清泉煮茗睡起羅衣御風竹榻蕙蘭香裏水亭茜

菖波中

賜魚晚餐

翠金烹鮮雪滿匙團團兒女晚餐時  
莫因天上魚羹味謾起江東鱸膾思

湖上

湖上春殘灌木稠田田荷葉送扁舟  
朱櫻碧笋鱖魚白不羨人間萬戶侯

秋蘭

楚澤來高士風流迴絕塵夢魂依九畹  
時序避三春花枝弱常含露香輕不媚人  
湘娥臨洛浦應是此花身

何處

何處年光好春風勻樂欄鳥啼深柳墅魚上落花灘山  
水奇懷得煙雲放眼看出此生差可慰隨分有餘歡

寄于北溟撫軍

厚德于門夙所欽高名獨滿禁庭陰揚清激濁匡時略  
映雪懷冰濟世心地近五雲新秉鉞公來三日恰爲霖  
宸衷最念蒼生切報國躊躇知重古今

柬新安汪快士

蚤年同有煙霞癖，輸與黃山老布衣。  
春雨花田頻入夢，秋林霜鶴共忘機。  
句中野色含青靄，卷裏泉聲落翠微。  
白嶽何時隨步履，豈令丘壑願常違。

快士有山水癖，自稱黃山老布衣。

示南歸老僕

汝歸好向龍眠路，爲我經營十畝居。  
園果分移成聚落，山泉疏引到庭除。  
須教竹圃陰常滿，莫遣梅亭影尚疎。  
辛苦荷耒春雨後，南鴻珍重寄來書。

文端集卷十九